

HAMARGARREN ORDENANTZA FISKALA

AGIRI ADMINISTRATIBOAK LUZATZEARI BURUZKO TASA ARAUTZEN DUEN ORDENANTZA FISKALA

I. ARRAZOIA ETA IZAERA.

1. Artikulua.- Bizkaia Lurralde Historikoko 5/89 Foru Arauak, ekainaren 30ekoak, horrek arautzen baititu Toki Ogasunak, emandako ahalmenak erabiliz, Udal honek udalerriko agiri administratiboak luzatzearen gaineko Tasa ezartzen du, eta hori Ordenantza Fiskal honek arautuko du, hain zuzen, horri dagozkion arauak aipatu Foru Araueko 20. artikuluan aurrikusten baitira.

II. ZERGAPEKO EGITATEA

2. Artikulua.-

1.- Tasa honek jarduera administratibori dagokion zergapeko egitatea zergapetzen du, horrek alderdi baten eskariz administrazioak izapidetzen eta luzatzen duen edozein agiri mota hartzen du barne, eta Administrazioak edo Udal Agintariek egin behar dituzten espedienteak.

2.- Ondorio horietarako, edozein agiri administratibo alderdi baten eskariz izapidetua izan dela ulertuko da partikular batek eragindakoa izan bada edo horren onuran izan bada, nahiz eta interesatuaren esanbidezko eskaririk egon ez.

III. SUBJEKTU PASIBOA

3. Artikulua.- Zerga honen subjektu pasiboak dira, zergadun gisa, pertsona fisiko eta juridikoak eta Lurralde Historikoko Zergaren gaineko Foru Arau Orokorreko 34 artikuluan agertzen diren Entitateak, baldin eta agiri edo espediente bat izapidetzea eskatzen badute beren intereserako.

IV. ARDURADUNAK

4. Artikulua.-

1.- Zergaren gaineko Foru Arauaren 40 eta 41 artikuluan aipatutako pertsona fisiko eta juridikoek, subjektu pasiboek dituzten zerga-obligazioen gainean, solidarioki erantzungo dute.

2.- Ordezko erantzunkizuna izango dute, bai sozietateetako administratzaileek, bai sindikoek, bai porrotetako, lehiaketetako, sozietateetako eta orokorrean edozein entitateetako kontuhartzaile edo kitatzaileek, Zergaren gaineko Foru Arauaren 42. artikuluan adierazitako kasuetan eta eskumenetan.

V. ZERGAREN KUOTA

5. Artikulua.-

1.- Zergaren kuota, izapidetu behar diren agiri edo espedienteen izaeraren arabera seinalatutako kopuru finko batek zehaztuko du, hurrengo artikuluan agertzen den tarifaren arabera.

2.- Tarifaren kuota izapidegintza osoari dagokio, une bakoitzean izapidetzen den agiri edo espedientearena, horren izapidegintzaren hasieratik amaitu bitartean, hor barne sartzen dira emandako ebazpenaren ziurtapena egin eta interesatuari jakinaraztea.

6. artikulua. TARIFA

TARIFEN KOADROA

1.- Lurzoruaren sailkapenari buruzko edo higiezin kalifikazio urbanistikoari buruzko ziurtagiria, eta lurren edo eraikinen kalifikazio urbanistikoaren zedula (barne direla bai erantsiak, bai grafikoak, bai literalak).	24,00€
2.- Eraikinen egoera urbanistikoari buruzko ziurtagiria, eta higiezin kale edo zenbakian izendapena.	8,00€
4.- Plano topografikoaren fotokopia paper arruntean.	
DIN-A-3 arteko neurrian (kolorebakarra)	1,00€
DIN-A-3 arteko neurrian (kolorez)	1,00€
DIN-A-2 neurrian edo handiagoan (kolorebakarra)	3,00€
4.- Eraikineko planoaren edo jardueraren fotokopia paper arruntean (kolorebakarra)	
DIN-A-3 arteko neurrian	3,00€
DIN-A-2 neurrian edo handiagoan	6,00€
5.- Lursailaren plano inprimatua, paper zurian, zenbait tinta desberdinez	
DIN-A-4 neurrian	2,00€
DIN-A-3 neurrian	4,00€
DIN-A-3 baino neurri handiagoan	14,00€
6.- H.A.P.O.-aren dokumentu grafiko inprimatua, Idem eta kartografia:	
DIN A-4:	3,00€

DIN A-3:	5,00€
Gorena (gehienez DIN-A-0)	22,00€
7.- Udal kartografia euskarri magnetikoan ematea, DGN formatuan, idem H.A.P.O.-ko planoak (mimutagatik edo plano osoagatik)	
Eskala 1:500 (50 pta. – 0,30 euro/Disketea) plano bakoitzeko	6,00€
Eskala 1:500 (400 pta. -2,40 euro/Disketea) plano bakoitzeko	6,00€
DEXF edo DWG formatora bihurtzea, plano bakoitzeko	1,00€
8.- Sare geodesikoaren aipamena, nibelazio puntuak, triangelaketa, doitasuneko poligonalak eta nibelazio geometrikoko kotak (aipamenaren fotokopia eta krokisa barne direla), unitateko	2,00€
9.- Arau urbanistikoak euskarri magnetikoan ematea (disketea edo CD ROM)	21,00€
10.- Euskarri magnetikoan ematea, DGN formatoan, udal kale-izendegia edo kartografia osoa edo hautatutako eremua, udalerri osoa kontuan hartuta:	
Kale-izendegia	35,00€
Udalerria:	248,00 €
11.-Administrazio agirien fotokopiak luzatzeagatik:	
+1 edo 2 fotokopia.....	SALBUETSITA
2 fotokopia baino gehiago:	0,10€
12.- Partzela-plano inprimatuak	
DIN A4	3,00€
DIN A3	5,00€
DIN A0	22,00€
13.- Administrazio-kontratazioko prozeduran barne sartutako proiektuei buruzko planoen fotokopia.	4,00€
14.- Hirugarren batek eskatuta, Udaltzaingoak emandako txosten eta argiketak	35,00€
15.- Udal datu-baseko informazio alfazenbakizkoa, bai katastrala bai jarduera ekonomikoarena (erregistrotik)	0,20€

16.- Zedula katastrala ematea.	3,00€
--------------------------------	-------

VI. KUOTAREN HOBARIAK

7. Artikulua.- Tasa honi dagokion tarifyan seinalatutako zerga-kuotaren kopuruen gainean ez da inolako hobaririk onartuko.

VII. SORTZAPENA

8. Artikulua.-

1.- Tasa sortzen da, eta beraz ordaintzeko obligazioa sortzen da, zergari loturik dauden agiri eta dokumentuen izapidegintzari hasiera ematen dion eskaria egitean.

2.- Bigarren artikuluko 2 zenbakian aipatzen diren kasuetan, udal iharduera ofizioz hasteko inguruabarrak ematearen ondorioz gertatzen bada sortzapena edo interesatuak aurretik eskatu gabe hasten bada bainan haren onuran suertatzen denean.

VIII. AITORPENA ETA SARRERA

9. Artikulua.-

1.- Tasa autolikidazio erregimenean galdatuko da.

2.- Udal Administrazioak luza ditzakeen ziurtapenak edo agiriak, horiek Auzitegi edo Epaitegietako ofizioei jarraiki egiten direnean eta edozein delarik ere auzi mota, ez zaio hura inori entregatu edo igorriko aurretik zergari dagokion kuota ordaintzen ez duen bitartean.

IX. HAUSTEAK ETA ZEHAPENAK

10. Artikulua.- Zergari buruzko arauhauste eta horien gaineko kalifikazioari dagokionez, hala nola horien gainean kasu bakoitzean jarri beharreko zehapenei buruz, Bizkaiko Lurralde Historikoko Zergari buruzko Foru Arau Orokorreko 186. artikuluan eta ondorengoetan xedatua dagoena hartuko da kontutan.

AMAIERAKO XEDAPENA

Ordenantza hau behin betiko onetsi da, eta egin zaizkion aldaketekin batera, 2008ko urtarrilaren 1ean indarrean sartuko da, eta indarrean egongo da, hori aldatu edo indargabetzea erabaki arte.